

Landesbibliothek Oldenburg

Digitalisierung von Drucken

Jonstoni Historia Naturalis

Ioannis Ionstoni|| Theatrvm|| Vniversale|| De Avibvs

Jonston, Jan

Heilbrunna, MDCCLVI.

VD18 90528921

Illustration: Tab. XV. Psittacus Maximus, pappengej gresser art; Psittacus Maximus alter; Psittacus viridis melanoriuchos; Psittacus albus cristatus; Psittacus versicolor siue Erythrocyanos; ...

urn:nbn:de:gbv:45:1-11068

Psittacus Maximus
pappongei. gresseri. art.



Psittacus Maximus alter.



Psittacus viridis melanorhynchus.



Psittacus albus cristatus.




Psittacus versicolor sive *Erythrogastrus.*



Psittacus Leucocephalus.



Psittacus cinereus.



Tab. 21.

Phasianus versicolor

Phasianus versicolor



Phasianus versicolor

Phasianus versicolor

Phasianus versicolor

Phasianus versicolor

Phasianus versicolor

rum regio et tempora albescentia. Dorsum, alae incipientes, gula, pectus, uenter, femora, cauda tota superne punicea. Remigum tegetes secundo in alis ordine lutei, puniceis marginibus caeruleo uelut oculo prope apicem ornatae etc. *Psittacus albus cristatus* magnitudine erat columbo domestico par. *Corpus* uniuersum candido plumarum agmine uestiebatur. *Capitis* uerticem habebat plumis grandiusculis, sesqui palmum altis, retrorsum nonnihil incuruis acuto apice denuo antrorsum reflexis, candidis denis uelut crista perornatum. *Rostrum* cinereum ad nigrum uergens, qua capiti committitur, naribus patulis peruium ac harum medio tuberculo quodam tereti cliuofum. *Oculis* iride lutea, pupilla nigra. *Linguam* latam, rubicun-

dam. *Caudam* in altum plumis dodrantalibus, frequentibus, candidis surrectam. *Crura* cum pedibus sublutea. *Psittaco uiridi ala-* Idem c. 5.
rum costa superna rubente pullastri anniculi erat corpulentia, *capitis* uertex luteus. *Rostrum* superius extremo nigrum, post subcaeruleum, reliqua rubicundum, inferius uero album. *Oculi* iride croceo aut potius rubente, cincti pupilla nigra, corpus totum uiride, parte quidem prona uirore flauesciente ac diluto, alis uero et dorso saturiore et, qui in maxima et extrema penna remige ad caeruleum nonnihil tendat. *Costa superna* alarum in tantum rubet, uti et cauda eaque breuiuscula parte inferiore ad latera rubra in longum macula insignitur, superne uero flauescit.

ARTICVLVS II.

De Psittaco Poikilorincho, Viridi Melanorincho, Leucocephalo et Erythrocyano.

Aldrou. l. 11. c. 6. 7. 8. 9. **P***Psittacus poikilorinchos* magnitudine erat gallinae minoris. Corpore plerumque uirescens, dorso obscurius, pectore et uentre, interlucente luteo, radicibus ubique cinereis, dilutius. *Rostrum* superius in parte superiore habebat ex uiridi caeruleum ad latera colore ochrae, in cuius extremitate macula transversalis candida percurrebat, inferius circumcirca coloris plumbei in medio lutescentis. Vertex plumulis aureis ornabatur. Remiges parte exteriori uentrem uersus initio uirides, paulatim in colorem subcaeruleum seu amethystinum purpureumue potius terminabantur, nigra caetera. Secundae in ordine longissimae totae luteae erant. Quae mediis ferme alis conspiciebantur, ad principium latere exteriori, quod uentrem respicit, primum uiridi, dehinc miniaceo obscuro, inde uiridi, postremum apice ipso partim uiolaceo, partim nigro uicissim uariabant. *Cauda* duodenis instructa

pennis, quarum, quae e latere sunt, utrinque quaternae, qua enascuntur, initio sui primum uirides erant latere exteriori, luteae interiori, inde rubeo coccineoue colore, tertio ordine denuo uiridi, postremo luteo variegatae. Reliquae quatuor mediae totae uirides, at fine sui nonnihil lutei habebant. *Pedes* plumbei, quaterni *digiti* bini ante, retro totidem, ut in picis Martii, interiores quidem exterioribus multo breuiiores. *Ungues*, ut rapacibus adunci. *Tibiae* breuissimae, nempe inter poplites et talos, digitum longae, sed crassiusculae. *Psittaco uiridi melanorincho* collum, dorsum cum alis uirore pleno tinguntur. *Costa alae*, qua corpori adnectitur, extrema coccineo rubet, penna in extremis alis, qua uentrem spectant, est nigra. *Vropygium* inferius coccineum. *Rostrum* totum nigrum. *Caput* et *pectus* lutea. *Psittacus leucocephalus* ita ab Aldrouando describitur etc. dodrantem et digitum unum longus